



UNIVERSITÄTS-
BIBLIOTHEK
PADERBORN

Institutiones Canonicae Sive Ius Ecclesiasticum

Wiestner, Jacob

Monachii, 1706

Titulus VI. Ut, Lite non contestatâ, non procedatur ad Testium
receptionem, vel sententiam definitivam.

[urn:nbn:de:hbz:466:1-62656](https://nbn-resolving.org/urn:nbn:de:hbz:466:1-62656)

convictus fuerit, *neo ab aliena possessione recesserit, tunc male fidei possessor perhibetur.*

24. Quare malæ fidei non indiscriminatum omnis, quocum super re v.g. fundo contestata est lis, sed is tantum possessor post latam contra eum sententiam habendus est, qui injustæ possessionis habuisse scientiam, temerèque litigare, quàm cedere maluisse, perspicuis argumentis fuerit convictus; cæteri autem malæ fidei possessoribus ac prædonibus, quales revera non sunt, nec retro censi possunt, eatenus duntaxat post sententiam æquiparantur; quòd, sicut illi, sic & ipsi ex die litis contestatæ istiusque vi omnes fructus restituere teneantur, non in pœnam, sed ex quasi contractu, litis contestatione inducto & obligante; ut fructus lite iam contestata percipiendos & casu, quò in iudicio victi fuerint, restituendos custodiant, nec temerè consumant, ut cum Cuiacio *Lib. 20. observat. 35.* advertunt Hilliger

in Donelli *Comment. Lib. 19. cap. 14. lit. O. & Bruneman. in l. certum cit. n. 12.* 25.

Quintò, eadem actiones, ex natura sua Temporales & morte perituræ, perpetuantur, ut ad 40. annos, à litis contestatæ die numerandos, extendantur, *l. fin. C. de Prescript. 30. vel 40. annor. l. 5. §. 1. in fine, C. de Annali except. & actiones* 26. Pœnales, ex delicto vel quasi delicto descendentes, ad hæredes & in hæredes in solidum transeunt, §. 1. *Instit. de Temp. & perpet. act.* quantumvis aliis ex Juris Civilis dispositione non nisi, quantum ad istos pervenit, competere, *l. Unie. in fine, C. de Delict. defunct.* Plura de litis contestationis effectibus dabunt Hostiens. in *Summa, hic n. 5. & Speculat. de Litis contest. §. penult. & ult.* Hic monuisse juvat, relatos & cæteros effectus litis contestatione, solum validâ, induci, *Auth. Offeratur in fine, C. hic;* cum, quod nullum est, nullum producat effectum, *l. Si se non obtulit 4. §. 6. ff. de Re judic.*



TITVLVS VI.

Ut, lite non contestatâ, non procedatur ad Testium receptionem, vel Sententiam definitivam,

SUMMARIUM.

1. Rubrica hæc continet Regulam :
2. Quæ nititur magna ratione,
3. Et de negotio solum principali procedit.
4. Lite non contestata testes recipiuntur I. Cùm actor contumaciter abest.
5. II. Cùm per Inquisitionem generalem :
6. Non etiam, cùm per specialem proceditur.
7. III. Cùm agitur de valore conjugij Carnalis,
8. Et reus contumaciter abest.

g. Sine

9. Sine culpa absens expectatur, donec de ejus obitu certo,
10. Aut saltem verisimiliter constet.
11. IV. Cum agitur de conjugio Spirituali solvendo,
12. Propter Pralati absentis crimen,
13. Aut nullitatem electionis:
14. Si citatus intra præfixum terminum non compareat.
15. V. Ne copia probationis pereat,
16. Propter testium senium, aut valetudinem:
17. Propter eorum absentiam,
18. Vel metum Oblivionis aut variationis.
19. VI. Idem ita ad perpetuam memoriam pro reo:
20. Aliquando etiam pro auctore recipiuntur.
21. Citanda tamen est pars adversa:
22. Nisi sine incommodo non possit.
23. Testes ita non recipiuntur pro futura accusatione:
24. Sed pro defensione rei, eam,
25. Aut etiam Crivilem conventionem metuentis.

1. **E**Xordium, ut dictum, & fundamentum Judicii est litis contestatio: ante quam proinde, quia causa principalis in judicium deducta non dicitur, super ista regulariter neque testes recipi, sententia definitiva ferri potest, per *c. n. alioque textus* hisque præfixam Rubricam: quæ, cum perfectam orationem contineat, facit Jus commune, & in controversiarum decisionibus allegari pro lege in Foro & Scholis potest & solet, per tradita ab Everardo *Legal. arg. loco à Rubro n. 3.* & *Proam. n. 109.* Ratio clara est; quia testium receptio & definitivæ sententiæ prolatio tendit ad finiendam litem: quam proinde, & judicium prius constitutum: &, quâ istud constituitur,

litis contestationem factam esse oportet prius, quam super ea testes judicialiter recipiantur, & definitivè pronuntietur, *Parormit. in c. fin. pr. n. 2.* & *ibi Gonzalez num. 4.*

Dixi, *Super causa principali & Regulariter.* Prius; quia, lite non contestatâ, testes aliæque probationes recipi possunt Imprimis, super incidentibus & de novo emergentibus, v.g. an citatio ad reum pervenerit, an iste contumaciter absit, *arg. c. Interposita 70. §. fin. de Appellat. Glossa in c. fin. cit. pr. V. Procedendum.* Deinde super exceptionibus dilatoris, v.g. auctoris excommunicatione, judicis incompetencia, *c. Exhibit a 19. de Judiciis:* uti & super exceptionibus peremptoriis, quæ dicuntur litis finitæ, & impediunt litis ingressum, ut colligitur ex *c. 1. de Litis contest. in 6. Zaccius ad hanc Rubric. n. 2.* Et demum in judiciis Summariis; cum enim in his simpliciter & de plano procedatur: & neque libelli formalis oblatio, neque litis contestatio necessaria sit, *Clement. Sape 2. §. Nos autem, de V. S. ut Tit. 1. n. 8. & Tit. 5. n. 12.* dictum est, utique sine ista testium aliarumque probationum receptioni locus erit. Posterius; quia pluribus casibus, etiam in Judiciis Ordinariis, lite non contestatâ, testes etiam super negotio principali recipiuntur.

Et primò quidem id fieri de Jure potest, quando actor, post oblatum judicii libellum, legitimè citatus contumaciter se absentat; tali enim casu non tantum reus ab ea instantia sive judicii observatione, si velit, absolvi: sed ad ipsius petitionem à judice ad testium, à reo productorum, aliarumque probationum receptionem, & sententiæ quoque definitivam procedi potest, secundum *Aub. Qui semel c. Quomodo & quando judex c. & c. Casus 3. de Dolo.* Ratio, cuius ita pro-

ita procedi contra actorem, non etiam contra reum contumacem, lite non contestata, possit, est partim; quia gravior est contumacia actoris, quam rei; cum enim ille litem, à qua abstinere posset, l. *Unica C. Ut nemo invitus ag. Et.* prior moveat: reus autem in iudicium trahatur etiam invitus, l. *Judicium 54. ff. de Judicium*, illius contumacia utique turpior & magis odiosa est, quam istius: partim verò; quia rei favorabiles sunt, quam actores, l. *125. ff. de R. J. & Jura ad absolvendum*; quam ad condemnandum priora, c. *Ex literis 3. de Probat. Et l. Ariannus 47. ff. de O. Et A. eamque ob causam merito cum contumaciter absente reo mitius agitur, quam cum actore, Glossa in c. Causam cit. V. Ad domum, & ibi Panormit. n. 15. Plura de actoris, & rei præsertim, contumacia dabimus ad Tit. 14. Et 15.*

5. Secundò, cum à iudice ex officio proceditur per viam Inquisitionis, c. *fn. §. Sunt Et alij.* Qua in re tamen à Panormit. in §. *cit. n. 4.* tradita, & aliorum DD. magno consensu recepta est distinctio inter inquisitionem Generalem & Specialem. Per priorem enim cum proceditur, vg. cum, an in provincia, diœcesi vel civitate crimina aliqua committantur, vel in alicujus perpetrati autorè, nullà certà personà expressà, investigatur, litis contestatio non requiritur, imò propriè fieri non potest, hòc ipsò; quòd in certam personà non inquiratur: & propterea testes examinari & audiri, nullà litis contestatione factà, possunt. Per posteriorem verò, sive specialem inquisitionem, vg. super dilapidationis Ecclesiæ vel Monasterii rerum, super Simonia, vel alio crimine contra Prælatum, si præcedente infamià vel sufficientibus indicis præviis procedatur, & reus legitime citatus contumaciter absit, ad testium contra ipsum receptionem & ten-

tentiam vg. depositionis procedi potest, juxta c. *Qualiter 24. V. Debet, de Accusat.* ne delictum maneat impunitum, & Ecclesiæ damna animarumque periculum continetur, contra Regulam c. *Ut fame 35. de Sent. excom. Et l. Ita vulneratus 51. §. 2. ff. ad L. Aquil.* Si verò citatus compareat & delictum neget, lis pro contestata habetur, & iudex ad testium receptionem & absolutionis vel condemnationis sententiam procedit, Vivianus in c. *Qualiter cit.*

7. Tertiò, lite non contestata ad receptionem testium & sententiam procedi potest in causa matrimonii carnalis, quando de ejus valore quæstio est propter allegatum à parte impedimentum dirimens, vg. consanguinitatis aut affinitatis, adhibità tamen distinctione inter duos casus. Primus est, quò reus legitime citatus non comparet, aut malitiosè latet, vel impedit; ne citatio ad se possit pervenire. Quò casu receptioni testium &, si de causa liqueat, sententiæ etiam definitivæ locum esse, decisum c. *fn. §. Porro, Et ratio est*; ne propter moram alteri conjugum detur occasio fornicandi.

8. Neque huic decisioni adversatur; quòd, cum de crimine adulterii ad divortium vel dotis restitutionem agitur, reo contumaciter absente, testes recipi, & definitive pronuntiari, lite prius non contestata, non possit, per c. *2. textum.* Non, inquam, hoc §. *cit.* decisioni adversatur; quia, cum agitur de matrimonii valore, causa favorabilis est, & celerem expeditionem requirit; ideòque summarie, ac proinde, lite non contestata, procedi potest, per *Clement. Dispensatam 2. de Judicis*; ut, si matrimonium validum, conjux addatur conjugum; vel, si invalidum est, ad evitandum peccatum, separeatur. Quando autem agitur ad divortium, sive separationem à cohabitatione & comuni thoro,

T

thoro, causa odiosa est; quia agitur de præjudicio non solius partis accusata, sed ipsi etiam matrimonii, cuius validè contracti quoad thoro & cohabitationem dissolutione contra ejus naturam petitur: & propterea hõc casu observandus est processus Ordinarius, exigens præviã litis contestationem, ut cum Glossa in *Clement. cit. V. Matrimonij*, & Zabarella *ibid. q. 28.* notat Laiman in *c. 1. cit. n. 3.*

9. Alter casus est, quò reus sine culpa abest; quòd citari aut citatus comparere non possit. Quò casu conjugem propter captivitatem, ægritudinem, vel aliud justum impedimentum absentem, *Donec de ipsius obitu verisimiliter præsumatur*, expectandù §. *cit. habetur, Verisimiliter*, inquit textus, hoc est, per violentas & moralem certitudinem fundantes præsumptiones, *arg. c. In presentia 19. de Spons. & Matr. & c. Dominus 2. de Secund. nupt.* ut cum Hostiensi in §. *cit. V. Verisimiliter*, Sanchez *Lib. 2. de Matrim. disp. 46. n. 9.* & Barbosa in *c. fin. cit. n. 3.* vel, ut melius alii volunt, per præsumptiones probabiles, & morali minore aliquam certitudinem judici facientes. Quantumvis enim, cum de transitu ad secunda vota agitur, moraliter certò constare debeat de obitu conjugis prioris, quòcum matrimonium validè initum fuisse, extra controversiam est; quia hõc casu agitur de maximo præjudicio conjugis, & ipsius Sacramenti, scilicet matrimonii dissolvendi: casu tamen, quò de matrimonii valore lis est, reo absente, sufficit verisimilis præsumptio de ejus obitu ad hoc; ut testes recipi, & juxta allegata & probata de matrimonio valeat pronuntiarì. Ita cum Panormit. in §. *Porro cit. n. 12.* Laiman. *Lib. 3. p. & cap. 3. n. 2. in fine.*

II. Quartò, eadem non semper necessaria est; ut testes recipi & sententia ferri possit, cum quæstio est de valore matri-

monii spiritualis, inter Prælaturam absentem & Ecclesiam non solum inchoati per electionem, & antequam huic ab electo præstitus sit consensus, ut vult Glossa in §. *Porro cit. V. Alicujus*: sed etiam per confirmationem ratificatis, & ipsam etiam consecrationem consummati ac perfecti §. *cit.* cujus tamen etiam decisionem pleniorem distinctio reddet; vel enim agitur ad illum ab Ecclesiæ suæ Prælatura removendum propter aliquod crimen, perpetratum ab eo, jam canonicè institutò: vel propter nullitatem v.g. electionis ex defectu formæ, aut personæ vitio provenientem.

Si prius, neque statim condemnandus, aut contra eum testes recipiendi: sed contumaciter absens excommunicandus; & si, in super habitò anathemate, intra annum non compareat, tum demum contra eum ad privationis vel depositionis sententiam procedendum est, *can. Rarusus 36. can. Quicumque 37. Ec. 11. q. 3. & c. Veritatis 8. de Dolo, Panormit. in §. cit. n. 4. & ibi Laiman n. 7.*

Si posterius, & Prælatus contumaciter absens ad terminum peremptorium non compareat, testes recipi: & si causa liqueat, ad sententiam definitivam procedi contra eum potest, per §. *cit. textum*: quò ratio ea redditur; ne ob longiorem moram & diutinam vacationem Ecclesia in spiritualibus & temporalibus patiarur detrimentum. Quæ ratio, cum etiam in inferioribus beneficiis, saltem animarum curam annexam habentibus, procedat, eòdem modò adversus inferiores beneficiatos, saltem curatos, procedendum, cum Innocentio in §. *cit. V. Alicujus*, notat Panormit. *l. cit.*

Quantum autem temporis spatium hujusmodi Prælato contumaciter absenti pro termino assignandum sit, variant DD. apud Glossam in §. *cit. V. Definitum*. Mihi non displicet Opinio Laimanni in *c. Cum*

a. Cum olim 7. de Dolo, n. 5. Prælo solum electo sex menses; ei verò, qui insuper confirmatus, aut consecratus jam est, majus temporis spatium indulgendum, asserentis, præsertim, si iste extra provinciam absit; sicut *e. cit.* ei ad comparandum integer annus est assignatus. Si

14. verò posteriori casu electus absit sine contumacia: aut, ubi versetur, ignoretur, sex, juxta *§. cit.* vel si ad Cathedralē, vel inferiorem, sed sedi Apostolicæ immediatè subjectam Ecclesiam electus sit, tribus mensibus erit expectandus, *arg. c. Quam sit 6. de Elect. in 6.*

15. Quintò, testium examini & attestationum receptioni, lite non contestatâ, locus in causis Civilibus est, quoties rationabiliter timetur; ne aliàs rei veritas occultetur & probationis copia subtrahatur, *c. fin. cit. pr. & c. Cum dilecta 4. V. Nos igitur attendentes, de Confirmat. util.* sicut contingit

16. Primò, cum testes, ex quorum depositionibus de rei alicujus veritate constare potest, sunt senes, *pr. cit.* cujusmodi, licet non centenarii duntaxat & octogenarii, sed etiã septuagenarii censeantur, in proposita tamen materia judicis, ipsorum complexionem (quã consideratâ non omnes eòdem ætatis annò: sed aliqui citius, alii tardius senescunt) æstimantis arbitrio, cum Innocentio *in pr. cit. n. 3.* & Panormit. *ibid. n. 18.* Farinacius *Prax. Criminal. q. 76. n. 83.* ita permittit; ut eum, qui septuagenarius aut major est, pro senē habere semper debeat: eum verò, qui illâ ætate minor, quinquagenariò tamen major est, an senex vel non sit, arbitrari ex complexionē sive habitudinē corporis possit.

17. Secundò, cum iidem sunt valetudinarii; ut, ne præmoriatur, timeri rationabiliter possit ex corporis, periculosis morbis obnoxii, debilitate: vel profectu-

ri ad bellum, aut periculosam navigationem in gressuri, *arg. pr. cit.* Qua in re iterum judicis, rerum circumstantias ponderantis, prudenti arbitrio locum esse, cum *citt. Innocent. n. 2. & 3.* & Panormit. *n. 19.* advertit idem Farinac. *n. 86. & 89.*

Tertiò, cum iidem diu & in locis multùm remotis absaturi sunt; ut neque ipsos ad testimonium dicendum advocari neque eorum examen & depositionum receptionem aliis committi & obtineri faciliè posse, judicetur, *citt. Innocent. n. 2, Panormit. n. 21. & Farinac. n. 85.* Eòdem modò de facto in loco valde remoto examen testium ibi peti posse: & attestationes in domiciliū & judicii loco exhibitas fidem facere, docet *citt. Haunold. Tom. 5. de J. & J. Traht. 4. n. 112.*

Quartò, cum morale periculum est, ne testes, si eorum examen differatur, oblituri sint facti, præsertim valde intricati, super quo eorum testimonium desideratur, ut colligitur ex *cit. pr. Verbis, Ne fortuitis casibus copia probationis subtrahatur: & à paritate instrumentorum,* quæ, cum periculum est, ne ob nimiam vetustatem corrumpantur, & probandi vim amittant, renovanda sunt, per *cit. V. Nos igitur attendentes.* Ratio est; quia testis rei oblitus de ea testimonium perhibere, perinde ut mortuus, non potest, Haunold. *ibid. n. 111.*

Quintò, cum periculum est; ne testes, propter affinitatem, vel aliam necessitudinem cum adversario contrahendam, veritatem cum tempore suppressuri sint, aut variaturi, *citt. Panormit. n. 6. & Farinacius n. 43.*

Sextò demum, quando testium receptio ad perpetuam rei memoriã adhibetur: quæ ex hac causã pro reo frequenter: pro actore autem rarò concedi solet; cum iste agere, si velit, plerumque possit; ac proinde ferè sibi tantùm debeat

debeat imputare, quòd non agat, quando testes aliàsque probationes paratas habet: contra rei potestate non sit, quando ab auctore conveniatur, *cit. Farinacius n. 11. & Haunold. n. 14.*

20

Dixi, *Rarò*: non, *Nunquam*; cum enim non desint casus, quibus etiam actor, licet maximè velit, agere tamen non valeat, examinatio testium ad perpetuam rei memoriam aliquando etiam ipsi conceditur, v.g. cum agere vult ex testamento; cum enim hoc non possit, nisi constet de illius valore, utique super isto prius testes recipi, necesse est, quam agat ex testamento, Panormit. *in c. Significavit 41. de Test. & attest. n. 4. & cit. Haunold. n.*

115. cum ei debitum est in diem, vel id à futura conditione aut alieno arbitrio dependet; cum enim ante diei adventum vel conditionis impletionem, aut alienæ voluntatis declarationem agere non valeat, æquum omnino est; ut, talibus casibus ad certificandum debitum, testium examen & attestacionum receptionem petere, etiam ipsi permittatur, ut desumitur ex *l. In lege 40. ff. ad L. Aquil. & Bartolo, Baldo aliisque DD. allegatis docent Farinac. q. cit. n. 12. & novissimè Brunneman in l. cit. n. 6.*

21.

Ut autem, lite non contestatâ, receptæ testium depositiones valeant, plerique & rectè exigunt; ut, si commodè queat, citetur pars adversa; quia interesse debet testium productioni ac juramento, *c. In nomine 2. de Test. & attest.* cum generaliter, quando de alicujus interesse agitur, semper is ad iudicium sit vocandus, *l. De unoquoque 47. ff. de Re judicata* Vel; ut actor, si reus sive adversarius per absentiam, non malitiosè procuratam, citari nequeat, intra annum à tempore, quò reum convenire potuit, numerandum, instituat actionem: vel saltem isti denuntiet factam testium re-

ceptionem; ne fortè per fraudem reo eripiatur conditio, oppositis legitimis exceptionibus testes repellendi, per *pr. cit. textum, Glossam V. Intra annum, & V. ad Repellendum*, aliòsque Interpp. & DD. ita; ut, si intra annum, cum posset, neque actionem instituat, receptionis testium denuntiationem faciat, id fraude & ad excipiendi commoditatem reo adimendam omisum, Juris & de Jure præsumptio sit; ac proinde in contrarium probatio directâ non habeat locum, *Directâ*, inquam, sive respectu fraudis: non *indirectâ*; quia, si actor, ad cuius instantiam testes recepti sunt, intra annum reum convenire, eique testium receptionem denuntiare, in sua potestate non fuisse, probare vellet, eum non repellendum, cum *cit. Panormit. n. 12. docent Menoch, Lib. 2. Præsumpt. 54. n. 3. & Farinac. q. cit. n. 170.*

Dixi etiam, *Si commodè queat*, quia, si mora aut citatio denuntiatione periculum afferret, à Juris communis Regulis & rigore recedere liceret, *arg. l. De pupillo 5. §. 12. ff. de Novi op. nunti. adeo*; ut, si præsens necessitas v.g. periculum mortis alicujus testis exigat, istius receptio coram iudice etiam incompetente. & parte non citatâ, subsistat, *arg. l. fin. C. de Testibus, Bartol. in l. Admonendi 31. ff. de Jurejurando n. 41. & Gaill. Lib. 1. Observat. 93. num. 3. &* si adversarius propter ipsius potentiam & tyrannidem, sine gravi incommodo conveniri, eive receptio denunciari non posset, ista, sine prævia monitione ac denuntiatione subsecuta, valeat, *Vallenf. ad hanc Rubr. n. 3. in fine.*

Præterea suprâ dixi, *In causis Civilibus*, aut etiâ in Criminalibus, civiliter intentatis; si enim de crimine ad instantiâ partis ageretur criminaliter, ante litem cum reo contestatam, pro futura accusa-

tione

tionē testes recipi non possent: etiam si criminis probandi copia ob illorum mortem, absentiam, oblivionem interitura timeretur, ut argumentō ductō à contrario desumitur ex *pr. cit. verbis, Cūm civiliter est agendum*: atque cum Glossa *V. Civiliter notat cit. Panormit. n. 5. & Regulæ instar tradit cit. Farinac. num. 113.* Ratio est; quia agitur de gravissimo præjudicio rei: quem etiam absentem absolvi, satius est, quàm innocentem condemnari, *l. Absentem 5. ff. de Penis.* Unde in causis Criminalibus etiam probationes liquidæ & indicia luce meridianâ clariora exiguntur, *l. fin. C. de Probat. & can. Epiphanium 5. q. 6. Pro Accusatione, inquam, Futura;* quia pro defensione & suæ innocentie probatione reus testes producere, eorumque examen petere, quodcumque vult, potest, cum; quod ejus causa favorabilior sit, quàm actoris, *l. Favorabiliores 125. ff. de R. J. tum verò; quod in ipsius potestate non sit, quando conveniatur, l. Purè 5. §. fin. ff. de Doli mali except. Baldus in c. fin. cit. n. 7. Gaill. Lib. 1. Observat. 92. n. 15. & Farinac. q. cit. n. 127.*

Idem reo etiam permittitur in causis Civilibus; timens enim, ne sibi super contractu aut alia re gesta cum tempore controversia moveatur, & interea pereat copia probationis, petere à iudice, lite non contestatâ, potest; ut adversariò & aliis, quorum interest, vocatis, pro defensione sive exceptione sua examinentur testes, non tantum senes, infirmi, abfuturi, sed quicumque negotio interfuerunt: eorumque depositiones & dicta publicentur, & ad perpetuâ rei memoriam in publico instrumentum redigantur, juxta *c. Significavit cit. Glossa in c. fin. cit. §. Sunt & alii V. Publicatio & aliis DD. relatis Farinac. q. cit. n. 64.* Nisi tamen actor præsens ad agendum se offerat; hōc enim casu testium, quos propter senium aut debilitatem præmorituros, aut, cum recipiendi essent, abfuturos, periculum non est, etiam pro parte rei receptio usque ad litem contestationem esset differenda, Joann. Andr. in *c. Significavit cit. n. 10. & cit. Farinac. n. 74.*



TITULUS VII. De Iuramento Calumnie.

SUMMARIUM.

1. Præstatur hoc post litis contestationem,
2. Vel postea in quavis parte prima,
3. Et in secunda instantia repetitur.
4. Præter id locus est iuramento Malicie.
5. De Calumnia præstandi natura.
6. Differentia à Malitia & Veritatis iuramentis,
7. Et Calumnie iuramenti objectum declaratur.
8. Præstandum hoc est à litigantibus principalibus;
9. Tutoribus, curatoribus, syndicis,
10. Et

T 3

10. Et